

Na osnovu člana 16. stav (8) Zakona o novčanim podrškama u poljoprivredi i ruralnom razvoju ("Službene novine Federacije BiH", broj 42/10), federalni ministar poljoprivrede, vodoprivrede i šumarstva donosi

PRAVILNIK O USLOVIMA I NAČINU OSTVARENJA NOVČANIH PODRŠKI PO MODELU KAPITALNIH ULAGANJA

I - OPĆE ODREDBE

Član 1.

- (1) Ovim Pravilnikom propisuje se način i uslovi ostvarivanja novčanih podrški po modelu kapitalnih ulaganja, opći i posebni kriteriji koje mora ispuniti pravno ili fizičko lice (u daljem tekstu: klijent) koji je upisan u Registar poljoprivrednih gazdinstava ili Registar klijenata (u daljem tekstu: RPG i RK), kao i pravo za ostvarivanje novčane podrške (u daljem tekstu: podrška) za mjere kapitalnih ulaganja, postupak njenog ostvarenja, potrebna dokumentacija, obrasci i način isplate i obaveze koje klijent mora da ispuni prije ili nakon ostvarenja podrške.

Član 2.

Svi klijenti imaju jednaka prava i mogućnosti učešća u ostvarenju podrške, što podrazumijeva jednak tretman u pristupu, ispunjavanju uslova i korištenju raspoloživih sredstava u svim predloženim mjerama.

II - MODEL KAPITALNIH ULAGANJA

Član 3.

Model kapitalnih ulaganja obuhvata slijedeće mjere:

- izgradnja sistema za navodnjavanje;
- podizanje višegodišnjih zasada u voćarstvu i vinogradarstvu;
- uređenje zemljišta i okrupnjavanje posjeda;
- izgradnja objekata, nabavka mehanizacije i opreme u animalnoj proizvodnji;
- nabavka rasplodne stoke;
- nabavka mehanizacije i opreme u biljnoj proizvodnji;
- izgradnja i opremanje plastenika i staklenika;
- zasnivanje rasadnika za proizvodnju sadnica voća i vinove loze;
- izgradnja novih te rekonstrukcija i opremanje postojećih ribnjaka i pogona za doradu i pakovanje ribe;
- ulaganje u proizvodnju, pripremu, čuvanje i plasman poljoprivrednih proizvoda (oprema, građevinski objekti, hladnjače, sušare, sortirnice, pakirnice i dr.);
- regresiranje kamata na investicijske kredite za razvoj poljoprivredne proizvodnje.

Član 4.

- (1) Pojedini izrazi u smislu ovog Pravilnika imaju značenje utvrđeno članom 3. Zakona o poljoprivredi.
- (2) U ovom Pravilniku koristi se i izraz "Fiskalni račun" koji ima značenje dokumenta izdatog u skladu sa Zakonom o fiskalnim sistemima ("Službene novine Federacije BiH", broj 81/09).

III - NAČIN OSTVARIVANJA PODRŠKE

Član 5.

Zahtjevi za podršku u okviru kapitalnih ulaganja podnose se na osnovu Programa utroška sredstava sa kriterijima raspodjele sredstava "Poticaj za poljoprivredu" (u daljem tekstu: Program), kojeg donosi Vlada Federacije Bosne i Hercegovine za tekuću godinu i odredaba ovog Pravilnika.

Član 6.

- (1) Zahtjevi se dostavljaju Federalnom ministarstvu poljoprivrede, vodoprivrede i šumarstva (u daljem tekstu: Federalno ministarstvo).
- (2) Prilikom obrade zahtjeva utvrđuje se blagovremenost, potpunost i osnovanost zahtjeva klijenta propisanih Programom i ovim Pravilnikom.
- (3) Federalni ministar poljoprivrede, vodoprivrede i šumarstva (u daljem tekstu: ministar) rješenjem imenuje Komisiju za kapitalna ulaganja (u daljem tekstu: Komisija).
- (4) Komisija će razmotriti prispjele zahtjeve i sačiniti prijedlog za odobrenje ili odbijanje zahtjeva, nakon čega ministar donosi rješenje.

"Službene novine FBiH", broj: 109/12

- (5) Federalno ministarstvo donosi Rješenje kojim odlučuje o zahtjevima koji su pristigli kao neblagovremeni, nepotpuni ili neosnovani.
- (6) Rješenje iz st. 4. i 5. ovog člana je konačno u upravnom postupku i protiv istog nije dopuštena žalba, ali se može pokrenuti upravni spor tužbom kod Kantonalnog suda u Sarajevu u roku od 30 dana od dana prijema rješenja.
- (7) Isplata podrške se može vršiti u više obroka, što će se definisati Rješenjem ministra.
- (8) Komisija može zatražiti dodatnu dokumentaciju, provjeriti ispravnost dostavljenih računa kod nadležne institucije i angažovati drugog sudskog vještaka radi procjene vještačenja u cilju utvrđivanja činjenica.
- (9) Klijent ne može ostvariti podršku više puta po istom osnovu.

1. OPĆI USLOVI

Član 7.

- (1) Pravo na podršku u okviru modela kapitalnih ulaganja ima klijent koji ispunjava slijedeće opće uslove:
 - a) ostvario je primarnu poljoprivrednu proizvodnju, prehrambenu proizvodnju ili poljoprivrednu ili drugu djelatnost i koji ima sjedište, odnosno prebivalište na teritoriji Federacije Bosne i Hercegovine (u daljem tekstu: Federacija), propisanu Programom za tekuću godinu i ovim Pravilnikom,
 - b) upisan je u RPG i RK u skladu sa Pravilnikom o upisu u Registar poljoprivrednih gospodarstava/gazdinstava i Registar klijenata ("Službene novine Federacije BiH", broj 42/08), što dokazuje potvrdom koju izdaje nadležna općinska služba u tekućoj godini,
 - c) ispunjava kriterije propisane Programom i Pravilnikom za svaku pojedinu mjeru,
 - d) dostavi popunjen obrazac zahtjeva sa projektom (PKU) kapitalnog ulaganja koji se nalazi u prilogu ovog Pravilnika i čini njegov sastavni dio,
 - e) ostvari pravo na podršku u ponovljenom postupku provedenom po pravosnažnim sudskim presudama u oblasti podrški iz prethodnih godina, u postupcima u skladu sa čl. 240., 258. Zakona o upravnom postupku, u ponovljenim postupcima nadležnih kantonalnih ministarstava provedenim po pravosnažnim rješenjima donesenim u drugostepenim postupcima Federalnog ministarstva,
 - f) za zadrugu, pored navedene dokumentacije i potvrdu ili rješenje o izvršenoj zadružnoj reviziji ne starije od dvije godine, a za novoformirane zadruge rješenje o upisu u sudski registar,
 - g) dostavi potpun i blagovremen zahtjev u skladu sa propisanim procedurama za svaku mjeru.
- (2) Pravo na novčanu podršku mogu ostvariti klijenti samo za one mjere koje su propisane programom novčanih podrški za tekuću godinu.
- (3) Kod podnošenja zahtjeva za podršku Federalnom ministarstvu klijenti su dužni dostaviti dokaz o uplati federalne upravne takse u skladu sa Tar. br. 1. i 2. u ukupnom iznosu od 12 KM (5 KM za zahtjev i 7 KM za rješenje), a u skladu sa Zakonom o federalnim upravnim taksama i tarifi federalnih upravnih taksi ("Službene novine Federacije BiH", br. 6/98 i 08/00).

2. POSEBNI USLOVI

Član 8.

B/ MJERE KAPITALNA ULAGANJA B/1-A KAPITALNA ULAGANJA

- (1) Pravo na podršku ostvaruje klijent za kapitalna ulaganja iz člana 3. ovog Pravilnika za završenu investiciju, investiciju u toku i projekat/program planiran po fazama za koji se sklapa Ugovor o realizaciji navedenog projekta/programa između Federalnog ministarstva i klijenta.
- (2) Dokazi o izvršenom ulaganju u okviru investicionog projekta uvažavaju se samo ako su izdati u propisanim rokovima.
- (3) Udio investicijske podrške za ovu mjeru obračunati će se u procentualnom iznosu propisanom Programom.

Član 9.

Podizanje višegodišnjih zasada voćnjaka i vinograda i izgradnja sistema za navodnjavanje

- (1) Pravo na podršku ima klijent za investicije u podizanje višegodišnjih intenzivnih zasada u voćarstvu i vinogradarstvu i koji izvrši ulaganja za navedenu mjeru.
- (2) Podršku za podizanje višegodišnjeg zasada voćnjaka i vinograda ostvaruje klijent koji:
 - zasađi najmanje 0,5 ha površine pod voćnjakom ili maslinikom, odnosno najmanje 0,3 ha vinograda i podigne naslone za zasade čiji uzgoj zahtjeva naslone,
 - zasađi minimalan broj sadnica koji ne može biti ispod propisanih količina u navedenoj tabeli,

"Službene novine FBiH", broj: 109/12

Rb.	Vrsta voća		Minimalan broj sadnica po hektaru
A	Krošnjasto, jagodičasto voće i vinova loza	Latinski nazivi	Intenzivni zasad
1.	Jabuka	Malus sp.	1.600
2.	Kruška	Pyrus sp.	1.000
3.	Kruška na sijancu	Pyrus sp.	1.000
4.	Šljiva na vegetativnoj podlozi	Prunus domestica	1.200
5.	Šljiva na generativnoj podlozi	Prunus domestica	600
6.	Breskva	Prunus persica	650
7.	Kajsija	Prunus armeniaca	650
8.	Nektarina	Prunus persica var. nectarina	650
9.	Trešnja na gizeli	Prunus avium	1.000
10.	Trešnja na klasičnoj podlozi	Prunus avium	500
11.	Višnja - kalemljena na trešnji	Prunus cerasus	600
12.	Višnja - oblačinska	Prunus cerasus	600
13.	Lješnjak - kalemljeni	Corylus avellana	600
14.	Lješnjak - izdanak	Corylus avellana	600
15.	Smokva	Ficus carica	300
16.	Maslina	Olea europea	200
17.	Šipak (nar)	Punica Granatum	500
18.	Badem	Prunus amygdalus	500
19.	Aktinidija	Actinida chinensis	1.000
20.	Malina	Rubus ideus	12.000
21.	Kupina	Rubus nigra	4.000
22.	Jagoda	Fragaria	40.000
23.	Borovnica	Vaccinium	3.000
24.	Brusnica	Vaccinium vitis ideae	40.000
25.	Ribizla	Ribes nigrum/rubrum	8.000
26.	Ogrozd	Ribes grossularis	8.000
27.	Orah	Juglans regia	400
28.	Vinova loza	Vitis vinifera	3.000

- (3) Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:
- popunjen obrazac zahtjeva sa projektom (PKU) za ostvarivanje prava na podršku,
 - potvrdu o upisu u RPG i RK iz tekuće godine,
 - fiskalni račun kao dokaz o kupljenom deklarisanom, odnosno certificiranom sadnom materijalu u skladu sa članom 4. stav 2. ovog Pravilnika, ili procjenu sudskog vještaka o vrijednosti investicije,
 - jedinstvenu carinsku deklaraciju - JCI obrazac s pripadajućim računom za uvezene sadnice,
 - dokaz o preuzimanju proizvedenih poljoprivrednih proizvoda unutar vlastitog gazdinstva za podizanje zasada (klijent koji na vlastitom gazdinstvu ostvaruje proizvodnju, vrši dalju sadnju istih) - primka na skladište repromaterijala, izdatnica sa skladišta u proizvodnji, radni nalog u proizvodnji, primka na skladište gotovih proizvoda,
 - za zadruge, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruge izvršen upis u sudski registar,
 - izjavu, da će podignuti zasad redovno održavati (primjena agrotehničkih mjera, zaštita od bolesti i štetočna) i zadržati ga u svom vlasništvu u periodu koji je propisan standardima za svaku pojedinu voćnu vrstu.
- (4) Klijent koji investira u voćnjak i vinograd (ako ugradi sistem za navodnjavanje, protumraznu i protugradnu zaštitu) ostvaruje pravo na novčanu podršku u procentualnom iznosu propisanom Programom.

Član 10.

Uređenje zemljišta i okrupnjavanje posjeda

- (1) Mjere uređenja zemljišta provode se radi poboljšanja proizvodnih sposobnosti zemljišta pomoću primjene agrotehničkih, agromeliorativnih i hidromeliorativnih mjera, a okrupnjavanje posjeda radi grupisanja razbacanih parcela u cilju stvaranja većih parcela, pravilnih geometrijskih oblika te poboljšanja proizvodnih sposobnosti zemljišta.

"Službene novine FBiH", broj: 109/12

- (2) Projekt uređenja poljoprivrednog zemljišta izrađuje naučno-stručna institucija i laboratorij za vršenje poslova izrade projekata, mjerenja i ispitivanje zemljišta koja je ovlaštena od strane Federalnog ministarstva.
- (3) Pravo na podršku po ovom osnovu imaju klijenti (fizička i pravna lica) koji izvrše uređenje poljoprivrednog zemljišta minimalne površine 0,5ha i koji dostave projekt o uređenju poljoprivrednog zemljišta.
- (4) Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:
 - a) popunjen Obrazac zahtjeva sa projektom (PKU) za ostvarivanje prava na podršku,
 - b) potvrdu o upisu u RPG i RK iz tekuće godine,
 - c) projekat o uređenju zemljišta iz stava 3. ovog člana,
 - d) fiskalni račun kao dokaz o izvršenom uređenju zemljišta ili procjenu sudskog vještaka o vrijednosti investicije.

Član 11.

Izgradnja objekata, nabavka mehanizacije i opreme u animalnoj proizvodnji

- (1) Pravo na podršku za investicijske projekte u izgradnju objekata i nabavku mehanizacije i opreme u animalnoj proizvodnji ima klijent koji se bavi poljoprivrednom proizvodnjom i koji izvrši ulaganje u okviru ove mjere.
- (2) Oprema iz uvoza može biti starosti do pet godina, mehanizacija do sedam godina, a oprema i mehanizacija kupljena na domaćem tržištu mora biti potpuno nova.
- (3) Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:
 - a) popunjen Obrazac zahtjeva (PKU) za ostvarivanje prava na podršku,
 - b) potvrdu o upisu u RPG i RK iz tekuće godine,
 - c) fiskalni račun kao dokaz o izgradnji objekta i nabavci mehanizacije i opreme u skladu sa članom 4. stav 2. ovog Pravilnika, ili procjenu sudskog vještaka o vrijednosti investicije,
 - d) jedinstvenu carinsku deklaraciju - JCI obrazac s pripadajućim računom za uvezeni materijal za izgradnju, mehanizaciju i opremu,
 - e) za zadruga, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruga izvršen upis u sudski registar, f) ovjerenu izjavu klijenta da će izgrađeni objekt i nabavljenu mehanizaciju i opremu koristiti u skladu sa namjenom navedenom u zahtjevu i zadržati u vlasništvu najmanje pet godina od dana ostvarivanja prava na ovu vrstu podrške.

Član 12.

Nabavka rasplodne stoke - krava, ovaca, koza, svinja i pčelinjih zajednica

- (1) Pravo na podršku za investicijske projekte za nabavku rasplodne stoke ima klijent koji se bavi poljoprivrednom proizvodnjom i koji izvrši ulaganje u okviru ove mjere.
- (2) Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:
 - a) popunjen Obrazac zahtjeva sa projektom (PKU) za ostvarivanje prava na podršku,
 - b) potvrdu o upisu u RPG i RK iz tekuće godine,
 - c) fiskalni račun kao dokaz o kupljenoj rasplodnoj stoci u skladu sa članom 4. stav 2. ovog Pravilnika ili procjenu sudskog vještaka o vrijednosti investicije,
 - d) jedinstvenu carinsku deklaraciju - JCI obrazac s pripadajućim računom za uvezenu rasplodnu stoku,
 - e) potvrdu da su krave obilježene u skladu sa Pravilnikom o obilježavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10 i 25/11),
 - f) kopiju pasoša goveda, izdate u skladu sa Pravilnikom o obilježavanju životinja (dostavlja se neovjerena kopija),
 - g) potvrdu da su životinje obilježene u skladu sa Pravilnikom o obaveznom označavanju i upisu u jedinstveni Registar ovaca, koza i svinja te vođenju evidencije ("Službene novine Federacije BiH", br. 87/07 i 64/08),
 - h) ovjerenu izjavu klijenta da će nabavljena rasplodna grla zadržati u vlastitom uzgoju najmanje tri godine od dana ostvarivanja prava na ovu vrstu podrške,
 - i) kopiju pojedinačnog ili skupnog obrasca za prijavu kretanja i svjedodžbu o zdravstvenom stanju životinje koju nadležna veterinarska organizacija izdaje za sve životinje koje su kupljene - prodane,
 - j) za zadruga, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruga izvršen upis u sudski registar.

Član 13.

Nabavka mehanizacije i opreme u biljnoj proizvodnji

- (1) Pravo na podršku za investicione projekte za nabavku opreme i mehanizacije ima klijent koji se bavi biljnom proizvodnjom i koji izvrši ulaganje u okviru ove mjere.

"Službene novine FBiH", broj: 109/12

- (2) Oprema iz uvoza može biti starosti do pet godina, mehanizacija do sedam godina, a oprema i mehanizacija kupljena na domaćem tržištu mora biti potpuno nova.
- (3) Za ostvarivanje prava na podršku klijent dostavlja u originalu ili ovjerenom kopiji slijedeću dokumentaciju:
 - a) popunjen Obrazac zahtjeva sa projektom (PKU) za ostvarivanje prava na podršku,
 - b) potvrdu o upisu u RPG i RK iz tekuće godine,
 - c) fiskalni račun kao dokaz o kupljenoj mehanizaciji ili opremi na ime klijenta u skladu sa članom 4. stav 2. ovog Pravilnika, ili procjenu sudskog vještaka o vrijednosti investicije,
 - d) jedinstvenu carinsku deklaraciju - JCI obrazac s pripadajućim računom za uvezenu opremu ili mehanizaciju,
 - e) saobraćajnu dozvolu za traktor, prikolicu, kombajn ili drugu mašinu koja podliježe registraciji,
 - f) ovjerenu izjavu klijenta da će nabavljenu opremu ili mehanizaciju koristiti u skladu sa namjenom i zadržati u svom vlasništvu najmanje pet godina od dana ostvarivanja prava na ovu vrstu podrške,
 - g) za zadruge, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruge izvršen upis u sudski registar.

Član 14.

Izgradnja i opremanje plastenika i staklenika

- (1) Pravo na podršku za investicijske projekte za izgradnju i opremanje staklenika i plastenika ima klijent koji se bavi poljoprivrednom proizvodnjom i koji izvrši ulaganja u okviru ove mjere.
- (2) Oprema iz uvoza može biti starosti do pet godina, a kupljena na domaćem tržištu mora biti potpuno nova.
- (3) Za ostvarivanje prava na podršku klijent dostavlja u originalu ili ovjerenom kopiji slijedeću dokumentaciju:
 - a) popunjen Obrazac zahtjeva sa projektom (PKU) za ostvarivanje prava na podršku,
 - b) potvrdu o upisu u RPG i RK iz tekuće godine,
 - c) fiskalni račun kao dokaz o izgradnji i kupljenoj opremi u skladu sa članom 4. stav 2. ovog Pravilnika ili procjenu sudskog vještaka o vrijednosti investicije,
 - d) jedinstvenu carinsku deklaraciju - JCI obrazac s pripadajućim računom za uvezeni materijal za izgradnju i opremanje,
 - e) ovjerenu izjavu klijenta da će izgrađeni plastenik/ staklenik i nabavljenu opremu zadržati u svom vlasništvu najmanje tri godine od dana ostvarivanja prava na ovu vrstu podrške,
 - f) za zadruge, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruge izvršen upis u sudski registar.

Član 15.

Zasnivanje rasadnika za proizvodnju sadnica voća i vinove loze

- (1) Pravo na novčanu podršku za proizvodnju sadnica voća i vinove loze ima klijent koji je upisan u Registar proizvođača poljoprivrednog sadnog materijala (sadnica voća i vinove loze).
- (2) Klijent je obavezan prijaviti kantonalnom ministarstvu zasnivanje zasada za proizvodnju poljoprivrednog sadnog materijala u skladu sa Zakonom o sjemenu i sadnom materijalu poljoprivrednog bilja ("Službeni glasnik BiH" broj 03/05).
- (3) Za ostvarivanje prava na podršku klijent dostavlja u originalu ili ovjerenom kopiji slijedeću dokumentaciju:
 - a) popunjen Obrazac zahtjeva sa projektom (PKU) za ostvarivanje prava na podršku,
 - b) potvrdu o upisu u RPG i RK iz tekuće godine,
 - c) dokaz o upisu u Registar proizvođača poljoprivrednog sadnog materijala,
 - d) fiskalni račun kao dokaz o zasnivanju rasadnika za proizvodnju sadnica voća i vinove loze u skladu sa članom 4. stav 2. ovog Pravilnika ili procjenu sudskog vještaka o vrijednosti investicije,
 - e) uvjerenje o zdravstvenom stanju objekata za proizvodnju sadnog materijala,
 - f) izvještaj o izvršenim pregledima zemljišta na nematode i indeksiranje virusa,
 - g) jedinstvenu carinsku deklaraciju - JCI obrazac s pripadajućim računom za uvezene i izvezenu opremu,
 - h) dokaz o preuzimanju proizvedenih poljoprivrednih proizvoda unutar vlastitog gazdinstva (klijenti koji na vlastitom gazdinstvu ostvaruju proizvodnju i vrše sadnju na vlastitom gazdinstvu) - primka na skladište repromaterijala, izdatnica sa skladišta u proizvodnju, normativ, radni nalog u proizvodnji, primka na skladište gotovih proizvoda i račun o prodaji gotovog proizvoda,
 - i) ovjerenu izjavu klijenta da će zasnovani rasadnik za proizvodnju sadnica voća i vinove loze zadržati u svom vlasništvu najmanje tri godine od dana ostvarivanja prava na ovu vrstu podrške,
 - j) za zadruge, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruge izvršen upis u sudski registar.

Član 16.

Izgradnja novih te rekonstrukcija i opremanje postojećih ribnjaka i pogona za doradu i pakovanje ribe

- (1) Pravo na podršku za investicijske projekte ima klijent koji se bavi poljoprivrednom proizvodnjom i koji izvrši ulaganje u okviru ove mjere.
- (2) Oprema iz uvoza može biti starosti do pet godina, a kupljena na domaćem tržištu mora biti potpuno nova.
- (3) Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:
 - a) popunjen Obrazac zahtjeva sa projektom (PKU) za ostvarivanje prava na podršku,
 - b) potvrdu o upisu u RPG i RK iz tekuće godine,
 - c) fiskalni račun kao dokaz o izgradnji novih te rekonstrukciji i opremanju postojećih ribnjaka i pogona za doradu i pakovanje ribe u skladu sa članom 4. stav 2. ovog Pravilnika ili procjena sudskog vještaka o vrijednosti investicije,
 - d) rješenje da objekat udovoljava propisanim veterinarsko-zdravstvenim uslovima - veterinarski broj,
 - e) dozvolu za akvakulturu ili dokaz o podnesenom zahtjevu za izdavanje iste,
 - f) ovjerenu izjavu klijenta da će izgrađeni objekt i nabavljenu opremu koristiti u skladu sa namjenom navedenoj u zahtjevu i zadržati u vlasništvu najmanje pet godina od dana ostvarivanja prava na ovu vrstu novčane podrške,
 - g) za zadruge, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruge izvršen upis u sudski registar.

Član 17.

Ulaganje u proizvodnju, pripremu, čuvanje i plasman poljoprivrednih proizvoda (oprema, građevinski objekti, hladnjače, sušare, sortirnice, pakovaonice i dr.)

- (1) Pravo na podršku za investicijske projekte ulaganja u proizvodnju, pripremu, čuvanje i plasman poljoprivrednih proizvoda (oprema, građevinski objekti, hladnjače, sušare, sortirnice, pakovaonice i dr.) ima klijent koji se bavi poljoprivrednom proizvodnjom i koji izvrši ulaganja u okviru ove mjere.
- (2) Oprema iz uvoza može biti starosti do pet godina, a kupljena na domaćem tržištu mora biti potpuno nova.
- (3) Za ostvarivanje prava na podršku klijent dostavlja u originalu ili ovjerenoj kopiji slijedeću dokumentaciju:
 - a) popunjen Obrazac zahtjeva sa projektom (PKU) za ostvarivanje prava na podršku,
 - b) potvrdu o upisu u RPG i RK iz tekuće godine,
 - c) fiskalni račun kao dokaz o izvršenim ulaganjima za navedenu mjeru u skladu sa članom 4. stav 2. ovog Pravilnika ili procjena sudskog vještaka o vrijednosti investicije,
 - d) za zadruge, pored gore navedene dokumentacije i potvrdu o izvršenoj zadružnoj reviziji koju izdaje Zadružni savez Federacije BiH, ne stariju od dvije godine, a novoformirane zadruge izvršen upis u sudski registar,
 - e) ovjerenu izjavu klijenta da će izgrađeni objekt i opremu zadržati u vlasništvu i koristiti u skladu sa namjenom navedenoj u zahtjevu za ostvarenje podrške narednih pet godina računajući od dana ostvarivanja prava na ovu vrstu podrške.

Član 18.

Regresiranje kamata

- (1) Pravo na podršku za regresiranje kamata ima klijent za investicijske kredite za razvoj poljoprivredne proizvodnje u propisanim rokovima i procentualnom iznosu propisanom Programom na godišnjem nivou.
- (2) Ova mjera realizovat će se u skladu sa Programom i ovim Pravilnikom.

IV - PRIJELAZNE I ZAVRŠNE ODREDBE

Član 19.

Sastavni dio ovog Pravilnika čini Obrazac PKU-Zahtjev sa projektom za odobravanje investicijske podrške koji se nalazi u prilogu.

Član 20.

Ovaj Pravilnik stupa na snagu narednog dana od dana objave u "Službenim novinama Federacije BiH".